

國粹叢書第二集

鴉
筆
集

國學保存會印行

投筆集卷上

虞山蒙叟錢謙益著

金陵秋興八首次草堂韻

乙亥七月初一作

龍虎新軍舊羽林八公草木氣森森樓船蕩日三江湧石馬嘶風
九域陰掃穴金陵還地肺埋胡紫塞慰天心

太白樂府詩云懸胡清天上埋胡紫塞傍

長干女唱平遼曲萬戶愁聲息擣砧

雜虜橫戈倒載斜依然南斗是中華金銀舊識秦淮氣雲漢新通
博望槎黑水游魂啼草地白山新鬼哭胡笳十年老眼重磨洗坐
看江豚蹴浪花

大火西流漢再暉金風初逕朔聲微溝塹羯肉那堪鬻竿掛胡頭
豈解飛高帝旌旗如在眼長沙子弟肯相違名王俘馘生兵盡敢
道秋高牧馬肥



九州一失算殘基幅裂區分信可悲局內正當侵劫後人間都道
爛柯時住山師子頻申久起陸龍蛇撇捩遲殺盡 纔歛手推

枰何用更尋思

壁壘參差疊海山天兵照雪下雲間生奴八部憂懸首死 千秋

悔入關

自註偽子遺言成勿入關東人至今傳之

箕尾廓清還斗極鵲頭送喜動天

顏枕戈席藁孤臣事敢擬逍遙供奉班

戈船十萬指吳頭太白芒寒八月秋肥水共傳風鶴警臺城無那
紙鴛愁白頭應笑皆遼豕黃口誰容作海鷗爲報新亭垂淚客好
收殘淚覽神州

鈴索經傳航海功秋宵蠟炬井梧中馮夸怒擊前潮鼓颶母謹催
後鷁風蛟吐陳烟掀浪黑猩殷袍血射波紅秦淮賣酒唐時女醉
倒開元鶴髮翁

金刀復漢事逶迤黃鵠俄傳反覆陂

鴻源陂謠曰反乎覆陂當復誰言者兩黃鵠

武庫

再歸三尺劍

陵重到萬年枝天輪只傍丹心轉日駕全憑隻手

移孝子忠臣看異代杜陵詩史汗青垂

自注少陵詩云周宣漢武今王是孝子忠臣異代看

後秋興八首之二

八月初二開警而作

王師橫海陣如林士馬奔馳甲伏森戒備偶然疏壁下偏師何意
潰城陰憑將接劍申軍令更插韉刀警士心野老更闌愁不寐誤
聽刁斗作秋砧

羽檄橫飛建布斜便應一戰決戎華戈船迅比追風驃戎壘高於
貫月槎徧戶爭傳歸漢籍死聲早已入胡笳江天夜報南沙火簇
簇銀燈滿盞花

龍河漢幟散沈暉萬歲樓邊候火微卷地樓船橫海去射天鳴鏑
夾江飛揮戈不分旄頭在反旆其如馬首違囑指奔逃看 重

收魂魄飽甘肥

由來國手算全棋數子拋殘未足悲小挫我當嚴儆候驕驕彼是滅亡時中心莫爲斜飛動堅壁休論後起遲換步移形須着眼基於誤後轉堪思

兩戒關河萬里山京江天塹屹中間金陵要奠南朝鼎鐵甕須爭北固關應以縷丸臨峻坂肯將傳舍抵屏顏荷鋤父老雙含淚愁見橫江虎旅班

吳儂看鏡約梳頭野老壺漿潔早秋小隊誰教投刃去胡兵翻爲倒戈愁自注營卒從諸酋長皆袖網巾氈帽未及倒戈而還爭言殘同江鼠自注萬曆末年有北鼠渡

江異近皆忍見遺黎逐海鷗京口偏師初破竹蕩船木柿下蘇州銜尾而北

十載傾心一旅功御槍原廟夢魂中自註南內舊存高皇帝手御鐵槍每思撒豆添營壘更欲吹毛布雨風淮水氣連天漢白鍾離雲捧帝車紅南

宮圖頌丹鉛在辜負秋窗老禿翁

艱難恢復勢逶迤蟻穴何當潰澤陂駝馬已臨迤北路礮車猶護
向南枝雷驚犀象牙方長雨送蛟龍宅屢移最喜伏波能整旅封
侯佩印許雙垂

自注是役惟伏波殿後全軍而反

後秋興之三

八月初十日小舟夜渡惜別而作

負戴相攜守故林繙經問織意蕭森疏竹葉晴窗雨落落梧桐
小院陰白露園林中夜淚青燈梵莢六時心憐君應是齊梁女樂
府偏能賦藁礎

丹黃狼藉鬢絲斜廿載間關歷歲華取次鍊圍同穴道幾曾銀浦
共雲槎吹殘別鶴三聲角迸散棲烏半夜笳錯記窮秋是春盡漫
天離恨攪楊花

北斗垣牆闇赤暉誰占朱鳥一星微破除服珥裝羅漢

自註姚神武有先裝

五百羅漢之議一軍盡

減損齏鹽餉次妃娘子繡旗營壘倒

自註張定

西謂院姑娘吾當派女抱刀侍女夫人院

將軍鐵稍鼓音違

自註乙未

喜而受命舟山之役中流去而殞惜哉

死入月神武血戰

自註夷陵文

云崇明城下

須眉男子皆巨子秦越何人視瘠肥

自註夷陵文

閨閣心懸海宇棋每於方罫繫歡悲乍傳南國長馳日正是西窗

對局時漏點稀憂兵勢老燈花落笑子聲遲還期共覆金仙譜桴

鼓親提慰我思

水擊風搏山外山前期語盡一杯間五更噩夢飛金鏡千疊愁心

鎖玉關人以蒼蠅汗白璧天將市虎試朱顏衣朱曳綺留都女羞

殺當年翟第班

歸心共折大刀頭別淚闌干誓九秋皮骨久拚猶貫死

丁亥歲有和東坡西

臺韻

容顏減盡但餘愁摩天肯悔雙黃鵠帖水翻輸兩白鷗更有

閒情攪腸肚爲余輪指算并州

此行期奏濟河功架海梯山抵掌中自許揮戈迴晚日相將把酒
賀春風墻頭梅蕊流窗白甕面葡萄玉盞紅一割忍忘歸隱約夕
陽原是釣魚翁

臨分執手語逶迤白水旌心視此陂一別正思紅豆子雙棲終向
碧梧枝州盤四角言難罄局定中心誓不移趣覲兩宮應慰勞紗
燈影裏淚雙垂

後秋興之四

中秋夜江村
無月而作

淅淅斜風回隔林悲哉秋氣倍蕭森過禽啁晰銜兵氣宿鳥離披
逗暝陰人倚片雲投海角天收圓月護江心今宵思婦偏悽緊幸
少清光照夕碁

穴紙江風吹雨斜槿籬門內尙中華蒼涼伍員蘆中客浩蕩張騫

海上槎弦急撞胸懸杵曰火炎衝耳簇蕭家刀尖劍快懜騰度瞪
目猶飛滿眼花

牛背寒鴉卸夕暉夜烏啼罷暗蛩微酒醒乍訝孤燈爆夢斷猶驚
折翼飛貝闕珠宮何處是漁莊蟹舍與心違祇應老似張丞相捫
摸殘瓠笑體肥

自註余身素瘦削今年腰圍忽肥客有張丞相之謔

身世渾如未了棋桑榆策足莫傷悲孤燈削柿丸書夜間道吹簫
乞食時雨莫蘆中雙槳急月明江上片帆遲荒雞喚得誰人舞只
爲衰翁攪夢思

石龜懷海感崑山二老因依板蕩間

自註懷雲間許給事也陸機詩石龜尚懷海我寧忘故鄉

蓋不忘宋國之意

最好竹枝歌一曲共憐荷葉限雙關

自註君與余皆苦耳聾故云

年章武紆殘淚半字開元慰別顏携手行宮應有日看君重點日

華班

銀輪只在屋西頭一掌偏能障好秋剪紙不消人世暗撥灰難掃

月宮愁黑雲有壘迷烏鵲金水無波洗白鷗最是三分明月夜二

分應不屬揚州

自註是夕中秋無月兼聞揚州空國避去

幡沈竿折好論功願借前籌玉帳中夜渡放螢然埃火晨征依鵲
嘯橋風髻稀尙要千莖白心折惟餘一寸紅莫忘指揮淮蔡語天
津橋畔倚闌翁

菰鄉蘆渚路逶迤竹杖迢迢度葛陂陌柳未舒離別緒庭梧先曳

却回枝途危只杖心魂過上劣才容脚指移

自註夢渡險岸劣容脚指江鄉夜行光景

宛然莫道去家猶未遠朝來衣帶已垂垂

後秋興之五

中秋十九日暫回村莊而作

三匝驚鳥未出林危柯荒楚鬱蕭森一區環堵方朝雨四野穹廬
尙夕陰自喪亂來餘破膽除君父外有何心石城又報重圍合少

爲愁腸緩急礎

禾黍離離蘆荻斜
裏頭遺老問京華
共傳淮水吹商律
却指張星望漢槎
宛轉牛關通夜柝
參差牧笛咽霜笳
濁醪更酌隣雞下
挂壁龍泉夜吐花

五嶺三湘告景暉
西方誰謂好音微
烏瞻華屋謀重止
燕語雕梁悔別飛
妖鼠浮江占地改
歲星去國報天違
高曾奕葉恩波在
忍忘乘軒與策肥

起手曾論一著棋
明明空局暗生悲
蕭疏齒髮凋殘日
突兀乾坤睹賽時
海水怒飛龍起急
天梁橫截雁來遲
盤饔大有中原約
酌酒加餐慰爾思

警蹕遙聞田楚山
奮飛直欲詣行間
荒墩木葉誰家戍
淺水蘆花何處關
未得星馳追御宿
只憑露布浣愁顏
腐儒錯莫從人笑
遲

莫猶論耿鄧班

頭白那禁更白頭況逢秋月又添秋

自註本朝曆日置閏在八月今正是閏月

笛飛瓜

步空傳恨刀剪吳淞始斷愁半壁東南餘虎兕百年臣子總鳬鷗

鬼園斷爛芝蔴鑑臨極猶聞起一州

亂流深惜濟川功靜嘯悲吟土室中策杖却追夸父日扁舟還載
庶人風戎戎山雨蒙頭白颺颺漁燈過影紅秋老夜深龍睡熟河
邊無恙緯蕭翁

孤蓬信宿且逶迤白水柴門返故陂丹桂月舒新結子蒼梧雲護
舊封枝歌闌長夜秋方盛語到胥閭日每移小飲折花重剪燭參
旗長並酒旗垂

後秋興之六

九月初六日泛舟吳門而作

槎枒枯枿蠹平林刺眼渾疑戰戟森朔氣亘天圍大陸金風掠地

戰重陰覆蕉野鹿年年夢啼枕吟蛩夜夜心漏盡木魚聲策策依然木葉響寒砧

愁心落雁共橫斜九月繁霜罨髩華淮水尙沈龍虎氣漢津猶隔斗牛槎夜闌漁蟹篝中火日夕牛羊隴上笳徙倚東籬難撥悶判將竹葉負黃花

秋陽黯淡比寒暉視匣書床生事微簾幙霜前新燕去窓櫺日隙凍蠅飛吹葭自候雷風動煉石難搯天水遶躍馬揮戈竟何意相逢應笑食言肥

棋罷何人不說碁閒窓覆較總堪悲故應關塞蒼黃候未是天公皂白時火井角芒長燄燄日宮車輦每遲遲腐儒未諳楸枰譜三局深慙厯帝思

十年戎馬暗青山自竄江村水島間錯置漁灣排信地橫栽虎路

抵重關兵殘蝸角頻搔首樂闕龍宮一破顏倚杖步蟾還失笑天街畢昴若爲班

黃葉紛飛溝水頭白雲蕭瑟自高秋餘年且問雞豚社故國空餘稻蟹愁匣裏兵符憑語雀鏡中衰髮亂羣鷗荒陂誰惱眠鵝鴨午夜喧聲似蔡州

全軀喪亂有何功雇賃餘生大造中心似吳牛猶喘月身如魯鳥每禁風驚弓旅雁先霜白染血楓林背日紅閒向侏儒論世事欲憑長狄問天翁

是歲有長人起遼海大掠而去

長吟坦腹笑逶迤清濁誰量千頃陂馬櫪可能隕莫齒騶棲聊復棟深枝荆班地上秋風過仆表花間日影移要勒浯溪須老手腰間研削爲君垂

後秋興之七

庚子中秋作

八桂盤根珠樹林蜚烟蠻雨助蕭森天高星紀連環衛日入神光
起燭陰交脛百夸齊舉踵貫胸萬國總傾心辛勤爭似三桑女漚
盡機絲應擣碓

軒轅邱畔矢欹斜望盡窮山隱翠華却喜九隆歸日御誰從天寶
訪星槎願同侑馬扶車輦欲傍旄牛聽鼓笳清酒一鍾拚倒醉恰
如重探杏園花

重華又報日重暉中路何曾歎式微高廟肅將三矢命定陵快觀
五雲飛卽看靈武收京早轉恨親賢授鉞違

自註指甲申春李忠
文監國分封之議

翹首南天頻送喜丹魚紅蟹亦爭肥

破碎江山惜舉棋斜飛一角總堪悲可憐紙上楸枰局便是軍前
畫笏時帳殿咨嗟如宿昔芒鞋奔命轉稽遲誰將姑婦中宵語借
箸從容起睿思

扶桑高柱大荒山交會朱明在此間神向南條迴地絡帝於北戶
啟天關雨疏象迹周巖警日射蛟涎展玉顏五服諸侯休後至司
徒先領入朝班

星星斷髮不遮頭霜鬢何須怨凜秋攬鏡頻過五領路挽眉常綰
九疑愁山家柵寨憑麋鹿海戶提封盡鷺鷥莫指職方論邊塞炎
州今日是神州

棧鐘掘地報成功王氣還占牛斗中入日自應歸日出朔風那許
競炎風連雲法從鰲身黑照水神燈魚眼紅閒把竹書論運命寒
窗絕倒白頭翁

元戎師律整逶迤誓旅先期度芍時一柱補天搢大厦九陽浴日
選高枝名王獻國圖新繪叛帥焚身檄久移薄海兒童知李令肯
教唐史獨昭垂

投筆集卷上終

投筆集卷下

虞山蒙叟錢謙益著

後秋興之八

庚子陽月初一
拂水拜墓作

短棹輕蓑黃葉林天涯戰戟自森森朝陽已躍南離日晝靄猶停
北陸陰箔裏關山峯昔夢燈前兒女負初心遐方巡守無消息樹
樹啼烏夜夜砧

秋風撼撼帽簷斜野老籬前數物華青鏡百年雙白鬢黃河千里
一孤槎挽回兵氣霜前雁吹動雄心日暮笳有客逕過論漢史西
京曾記上林花

故國冥濛秋日暉渚宮行殿遠霏微巡回每歎林鳥宿促數頻看
社燕飛戰決蟻封多勝負卜占雞骨少從違頻年射獵無朋侶羸
得高原雉兔肥

撼戶秋聲剝啄棋驚心局內轉傷悲每於典籍論終古只道乾坤
似昔時已破關河惆悵在未招魂魄却迴遲長明燈上諸天近時
有空音答仰思

滄江茅屋舊家山身與秋容共數間三卷陰符留麥飯一丸函谷
掩柴關黃沙馬革羞垂淚白首鷹揚笑駐顏夢到紅雲深殿裏玉
皇新點侍宸班

溝水流離似隴頭疏籬斷約不禁秋關心風月鈎牽恨開眼江山
挾帶愁龍門捎天悲穴鼠鳶飛跼水羨眠鷗茫茫禹跡無憑準自
剔殘燈畫九州

配天列聖萬年功弓劍衣冠覆載中赤羽九 齊奉日白翎一鳥
亦呼風金山御氣千年紫銀海神燈乙夜紅看盡諸臯應附手官
家終古屬劉翁

自註酉陽諸阜記天翁姓張名堅漁陽人蜀志張
溫問秦宓曰天有姓乎宓曰劉溫曰何以知之宓

曰其子姓
劉故知之

江村隈隩水逶迤白首長吟漢美陂籠鳥疏窗溫漢語林鳥密葉
揀南枝狐驚篝火嗚呼數犬直傳更戍守移莫笑牧兒思曲盡夢
關腰帶有魚垂

後秋興之九

庚子十月望日

桂樹參差覆羽林天容玉冊自森森甘淵定有長生日冥谷終無
不散陰命將出車小雅頌磨厓刻石老臣心元和盛世看圖畫鹵
簿前頭夾斧砮

規外星辰落斜參旗井鉞建高華洱河北上通雲漢遼水東迴
接海槎嘯月嶺猿催畫角嘶風胡馬咽悲笳吳儂莫向天南笑鐵
樹頻年已放花

自註吳人笑事難成者云鐵樹開花不知南中實有之

開元三葉正流暉桂舍胡封應紫微追急稻畦鳩杖指寢甘榕殿

鳥工飛五株當復神咸許十世將興帝不違口角共傳如烈祖遐
方遙喜御容肥

三陳凋殘御製棋

自註宋太宗御製棋譜
三陳三勢皆有深旨

祖宗睠顧不勝悲可知

仙杖巡游日還是鈞天請謁時八樹分茅朱噉永六龍擁駕赤鳥
遲殊方未及櫻桃薦寢廟應深白露思

微外行宮隔萬山朱光只在兩河間可令未派龜魚種却踞中原
虎豹關檠木自來歌漢德哀牢先許識天顏於今垣市無推布雲
漢遙占鵲首班

發兵每歎白頭人况復艱危歷九秋比景即看成內地瀾滄能免
爲他愁衣冠未許群羗爰國土終難寄海鷗歎息祖宗規畫遠西
南容易棄交州

麟閣今誰第一功康侯三錫在師中洗兵已驗軍前雨仗鉞先占

夢裏風劍負斗文芒氣白香蟠心字篆烟紅元漿匏脯相僂切扶
杖應憐未死翁

自註豫州父老歌祖述云元酒忘勞甘匏脯何以慰思歌且舞

舊京城闕勢逶迤元武湖清皇子陂玉燕龍宮將數子金燈雁塔
涌千枝移星御幄垣墻列日按行營次舍移種柳合望 幸殘
條禿髻總交垂

後秋興之十

辛丑二月初四日夜宴述古堂酒罷而作

光風忽漫轉寒林歲旅重光氣蔚森八極地標銅柱界四游天覆
鐵橋陰關河夜探還宮曲花鳥春回望帝心長白一山仍漢塞卅
年松模怨秋碁

閣道心移鷄尾斜朔南寰宇仰重華星弧日矢天王陳鳳蓋龍舟
帝子槎遼海月明傳漢箭榆關秋老斷胡笳而今建女無顏色奮
盡燕支插柰花

碧天朗朗見餘暉

自註武肅王還鄉歌
碧天朗朗兮愛日暉

把酒前除酌大微梁燕睡

翻新曲語林鳥棲趁忽雙飛津河絡角蓬心遠牛斗光芒孛氣違

自註歌云牛斗
無孛人無欺

却笑帝昶成例載髑髏生草不能肥

毳帳喧呼夜賭棋朝來劈面枕尸悲那知霧塞颺回候乍見天開
地裂時草外流人歡服匿御前和尚泣軍遲銜須引頸多元老哭
到窮廬罷論思

雲臺高築點蒼山異姓勛名李郭間整東交南新象馬恢張遼左
舊河關蓬蒿茂舍趨行伍布帛衣冠仰帝顏鄭璧許田須努力莫
令他日後周班

辮髮胡姬學裹頭詞歌夜獵不知秋可憐青塚孤魂恨也是幽蘭
一燼愁銜尾北來眞似鼠梳領東去不如鷗而今好擊中流楫已
有先聲達豫州

旄頭摧滅豈人功
太白星占應月中
掃蕩沉暉元夕火
吹殘朔
早春風揭空鏡
鼓催花白攪海魚
龍避酒紅從此撐
犂辭別號也
應飛盞賀天翁

營巢抱繭歎逶迤
憑杖春風到射陂
日吉早時論北伐
月明今夕
穩南枝鞍因足弱
攀緣上檄爲頭風
指顧移傳語故人
開口笑莫
因晚晚歎西垂

後秋興之十一

辛丑歲逼除作時自紅豆村
莊徙居半野堂絳雲餘燼處

當風一葉戰曾林
撫几孤懷抱鬱森
屋老空亭籠壁響
窗疏隙紙
劃燈陰雞豚麥飯
荒江淚炬收椒盤
故舊心噩夢驚回
成獨語誰
於寒夜擣孤碁

分野分條界劃斜
數行朱墨攬中華
小樓騁望巢車陳
故紙橫穿
鑿空槎醉唱饒歌
當伐鼓閒拈蘆管
壓吹笳竹窗永夜
猶焚誦燈

火青榮禮白花

冬日荒涼淡夕暉
晨光猶喜報熹微
潛虬自護滄江臥
退鷁仍依故國飛
捫舌齒牙驚互搢
扶頭腰領恐相違
隻雞近局關心處
却羨僧園菜把肥

廿載光陰四度棋
流傳斷句和人悲
冰凋木介侵分候
霜憂風等決戰時
觚竹懸車多次舍
臯蘭輕騎尙逶迤
燈前歷歷殘棋在
全局悠然正可思

少日囊書坐白山
輕狂自喜試兵閒
殘棋樓櫓思橫海
臥馬城闌說散關
汗竹紆餘淹素髮
寒松孤直伴蒼顏
白顛未了書生債
昔夢長隨漆管班

年年楚尾望吳頭
四序平分總是秋
赤羽黃塵猶未盡
青陽白髮不須愁
漏穿地脉餘羣鼠
抵柱天吳仗一鷗
接戶軍遲多老衲
憑

將若個問添州

開天牛斗首神功分布星辰手掌中
八駿未迴西極雪六龍仍扈
大江風南條日駕黿鼉紫北落星摧魚鼈紅
數卷殘書遺石室
翠眉翁與鐵冠翁

流年老去付逶迤
取次春生僕射陂
才子朱絃歌絳雪
佳人錦字問瓊枝
一龕燈永魚聲靜
三疊琴繁鶴舞移
莫爲牛衣頻歎息
與君容易鬢絲垂

後秋興之十二

壬寅三月二十三日以後大臨無時啜泣而作

滂沱老淚灑空林
誰扣滄浪訴鬱森
總向沈灰論早晚
空於墨穴算晴陰
皇天那有重開眼
上帝初無悔亂心
何恨朔南新舊鬼
九疑山下哭霜砧

焦中昏黑豆田斜
猶望殷憂啟帝華
句町路窮難渡馬
蜻蛉川斷

不通梯關山月暗三年笛草木風腥四面笳庭際石榴紅綻血可
憐猶是日南花

凌晨野哭抵斜暉雨怨雲愁老淚微有地只因聞浪吼無天那得
見霜飛廿年薪膽心猶在三局枰楸算已違完卵破巢何限恨銜
泥梁燕正爭肥

百神猶護帝臺棋敗局眞成萬古悲身許沙場橫草日夢趨行殿
執鞭時忍看末運三辰促苦恨孤臣一死遲惆悵杜鵑非越鳥南
枝無復舊君思

橘中何地有商山隻影孤拳蓋載間十日焚天人少種九幽持地
鬼爲關詰盤周誥封京觀雕琢韓碑頌伯顏歎息申胥重趂後報
吳遺策尙班班

飛走都窮瘴海頭而今人說國亡秋食殘鬼母方知苦酒醒天公

亦解愁戎醜時來皆布虎英雄運去總沙鷗
老人生角君休誚八百終期啟汴州

枕戈坐甲荷元功一柱孤擎渤海中
整旅魚龍森東伍誓師鵝鵲肅呼風
三軍縞素天容白萬騎朱殷海氣紅
莫笑長江空半壁葦間還有刺船翁

夸山填海莫逶迤復漢爭如丈尺陂
故國樓桑團羽蓋上林朴柳發條枝
坐看河漢雲旗動笑指漸臺斗柄移
金粟堆前空翠裏金燈猶傍玉衣垂

吟罷自題長句撥悶二首

壬寅三月二十九日

孤臣澤畔自行歌爛熳篇章費折磨
似讎似俳還似讖非狂非醉又非魔
嘔心自笑才華盡捫腹其如倔彊何
二祖歷宗恩養士幾人吟咀淚痕多

不成悲泣不成歌破碎還如墨盾磨判以餘生供漫興欲將秃筆
掃羣魔途窮日暮聊爲爾髮短心長可奈何賦罷無衣方卒哭百
篇號踊未云多

後秋興之十三

自壬寅七月至癸卯五月僞言繁興風
憂泣血感慟而作猶冀其言之或誣也

地坼天崩桂樹林金枝玉葉痛蕭森衣冠雨集支祈鎖閭闔風淒
紂絕陰醜虜貫盈知有日鬼神助虐果何心賊臣萬古無倫匹縷
切揮刀候斧礚

海角崖山一線斜從今也不屬中華更無魚腹捐軀地況有龍涎
泛海槎望斷關河非漢幟吹殘日月是胡笳嫦娥老大無歸處獨
倚銀輪哭桂花

庸蜀經營付落暉官車消息轉依微空留丹穴從三后無復遺言
詔六飛馬角烏頭期已誤龍姿虎步識俱違逆臣送喜猖狂甚趣

與然脂照腹肥

自古英雄恥敗棋
靴刀引決更何悲
君臣鰲背仍開日
生死龍胡肯後時
事去終嗟浮海誤
身亡猶歎渡河遲
關張無命今猶昔
籌筆空煩異代思

夢迴猶傍五谿山
歷井捫參睡霧間
却指帝心臨楚分
如聞王氣滿吳關
地翻黑水纔申足
天轉青城始破顏
辛苦蒼梧舊留守
忠魂常領百僚班

麻衣如雪白盈頭
六月霜飛哭九秋
兩耳也隨風雨切
半人偏抱古今愁
地閒沮洳教魚鳥
天濶烟波養鷺鷗
誰上高臺張口笑
爲他指點舊皇州

踰沙越漠百王功
二祖威棱浩劫中
高廟石龜晴吐雨
長陵鐵馬夜呼風
南陵日駕千重紫
北伐霓旌萬隊紅
葛藟綿綿周祚遠
明

神豈誑白頭翁

蛟宮螭窟勢逶迤，蹙浪排波似越陂。
荷鼓虛危新氣象，白茅青社舊孫枝。
磨刀雨過看兵洗，舶趠風來想檄移。
昨夜江天聊舉首，寒芒二八已昭垂。

癸卯中夏六日重題長句二首

漫漫長夜獨悲歌，孤憤填胸肯自磨。
敵對灾星憑酒伯，破除愁壘仗詩魔。
逢人每道君休矣，顧影還呼汝謂何。
欲共老漁開口笑，商量何處水天多。

百篇學杜擬商歌，墨瀋頻將漬淚磨。
世難相尋如鬼莊，國恩未報是心魔。
射潮霸主吾衰矣，觀井仙人奈老何。
取次長謠向空澗，江天雲物爲誰多。

投筆集卷下終

附錄口書別錄一則

錢謙益字受之常熟人也仕明及清再至尙書初明中世自李夢陽王世貞務爲詰詘瑰異之辭以相高其失模效秦漢而無情實謙益與艾南英訟言排拒學者風靡然其體最樸慤謙益爲人徇名而死權利江南故黨人所萃己以貴官擅文學爲其渠率自憲也鄭成功嘗從受學旣而舉舟師入南京皖南諸府皆反正謙益則和杜甫秋興詩爲凱歌且言新天子中興已當席藁待罪當是時謂留都光復在俾倪間方偃臥待歸命而成功敗後二年吳三桂弑末帝於雲南謙益復和秋興詩以告哀凡前後所和幾百章編次爲投筆集其悲中夏之沉淪與口口之俶擾未嘗不有餘哀也康熙三年卒初明之亡有合肥龔鼎孳吳偉業皆以降臣善歌詩時見憤激而偉業辭特深隱其言近誠世多謂謙益所賦特以

文墨自刻飾非其本懷以人情恩宗國言降臣陳名夏至大學士猶拊頂言不當去髮以此知謙益不盡詭僞矣是時蕭山毛奇齡當南都傾覆以布衣參西陵軍事軍敗走山寺爲浮屠永曆六年人或構之清率亡命爲王士方展側山谷間卒得脫乃徧遊齊楚梁宋鄭衛作續哀江南賦萬餘言過禹州寓故懷慶王邸作白雲樓歌事侵尋聞於順天怨家欲陷之亡去匿土室康熙時禁網解奇齡竟以制科得檢討吳世璠死爲平滇頌以獻君子惜其少壯苦節有古烈士風而晚節不終媚於口口全祖望藉學術以譴訶之其言特有爲發也自是以後士大夫爭以獻諛爲能事神聖之號溢于私家記錄然猶有戴名世呂葆中查嗣庭汪景祺胡中藻等雖仕口口爲侍從筆語及詩時時有所彈射名世推明末帝爲共主意至懇欵其他或爲失職怨望而作然觀其所詆竊猶明於

種類之大齊者自乾隆中年以後士益嬖嬰變風絕矣

蒙叟投筆集一書世未有刊本則以當時文網甚密而此書微吟深諷易觸忌諱故秘而未刊然江南藏書家多有寫本東南人士之留心文獻不忘故國者恒以一得見其書爲快故傳鈔殆遍傳鈔既多則魯魚亥豕觸目皆是此本爲陽湖鄒夢井所藏傳是老人嘗借鈔校勘一過後歸儀徵劉氏劉氏亦重校一過乃其譌誤之處仍不能盡免其原缺者則以後人有所諱而刪之今苦無別本可補仍從其闕其誤者亦不能以意爲是正祇仍其原文刊之錢氏以中朝大老身事二姓前爲黨魁後逃禪悅其心跡有未可白於天下者世人多以反覆譏之宜矣然其繫心宗國不忘欲返乃託之吟詠以抒其憤激猶可謂慘怛而思反本者以詩論沉鬱悲涼哀麗欲絕亦不愧草堂之作也

今附錄餘杭章氏口書別錄一則於後讀其詩者可以哀其志
矣雞鳴子跋

羣集勘誤表

集既刻成訪得陰山諸氏藏有精鈔本假借對勘一過誤者正之闕者補之其兩本有異同之處難定其孰是者則姑仍其舊

上卷

頁數	行數	字數	正	誤
一	廿二	三	驚	經
全	全	十五	夷	夸
二	二	九	長	到
全	五	十三	仗	伏
全	八	六	旆	布
全	九	四	編	徧
三	四	三二	印佩	佩印
全	七	十四	頤	莢

國粹叢書

投筆集 勘誤表

一

國學保存會

全 全 全 全 全 全 四 全 全 全 全 全 全

全 十七 全 十三 七 六 三 廿三 十五 全 全 全 十四

五 三 廿一 十七 五 五四 八 二十 十二 廿七 十六 十三 三

瓠 骸 映 筵 先 盤 琉 貫 臣 矢 阮 柳 阮
周

體 瓠 快 家 雙 州 流 貫 巨 去 院 女 院
盤

全	全	三	全	全	二	一	下卷	全	全	全	全	八
廿三	十	四	十三	十二	二	十九		全	十一	十	七	二
十二	三	廿一	十八	十九	十二	十一		十四	七	十四	廿一	十六
翎	新	圍	日	社 梧	憶	約		屍	誠	陂	出 日	御
領	心	望	口	舍 胡	漢	約		身	屍	時	日 出	玉

四 一 廿五 朔氣 口朔

全 十八 十七 遲 遮

全 二十 六 北 白

附補闕表

上卷

頁數 行數 字數 闕字

一 十四 廿一 羯奴

全 十七 七 四王

二 十二 廿四 靺鞨

全 廿一 十七 羯

下卷

一 廿二 十八 烏

三 四 廿三 同望

光緒三十二年六月二十日首版

(國粹叢書投筆集)

光緒三十二年六月二十日發行

定價洋一角

著者

虞山蒙叟錢謙益

印行者

國學保存會

發行所

上海四馬路東惠福里
國粹學報館

